

JAVNI POZIV

za pružanje ugostiteljskih usluga u okviru javne manifestacije
„ZENICA SUMMER FEST 2026. GODINE“

S posebnim zadovoljstvom i velikom radošću GRAD ZENICA, zajedno sa tehničkim realizatorom JP «RTV ZENICA» D.O.O. ZENICA, te prijateljima, partnerima i sponzorima Manifestacije, najavljuje organizaciju već **devetog** po redu ljetnog festivala „ZENICA SUMMER FEST“, koji će se održati u periodu počev od petka, **24.07.2026. godine** do zaključno sa nedjeljom, **02.08.2026. godine**, na Kamberovića polju, ali i upućuje poziv svim zainteresiranim pravnim licima, registriranim za obavljanje ugostiteljske djelatnosti, da se prijave na JAVNI POZIV za učešće u organizaciji i ovogodišnjem najvećem muzičkom festivalu u Bosni i Hercegovini.

Cilj Manifestacije je obogatiti turističku ponudu Grada Zenice u ljetnom periodu, tokom sezone godišnjih odmora naših sugrađana, ali i onih koji u naš Grad dolaze u posjetu svojim najmilijima i pružiti im raznovrstan kulturno – zabavni program, ugostiteljsku ponudu jela i pića, te prezentirati rad naših privrednika.

Tim povodom, pozivamo sva zainteresirana pravna lica, REGISTRIRANA za obavljanje ugostiteljske djelatnosti, da se prijave na Javni poziv za organizaciju ugostiteljskih usluga u okviru manifestacije „ZENICA SUMMER FEST 2026. GODINE“.

Tehnički realizator Manifestacije ovim Javnim pozivom odabiraće najboljeg ponuđača i partnera, koji će biti „**OFICIJELNI UGOSTITELJ FESTIVALA**“, u periodu trajanja Manifestacije, na način da organizuje pripremu i prodaju ugostiteljskih usluga (hrane i pića).

OPĆI UVJETI

„ZENICA SUMMER FEST“ je međunarodna kulturno - zabavna manifestacija, koja ima za cilj da, tokom toplih ljetnih julsko/avgustovskih dana, animira Zeničane i posjetioce iz drugih gradova Bosne i Hercegovine i regiona, naročito Zeničanke i Zeničane, razasute po cijelom svijetu, koji su upravo u tom periodu u svojoj i našoj Zenici. Termini održavanja svih evenata u okviru ove manifestacije prilagođeni su, dakle, periodu kada najviše dijaspora boravi u Zenici, pa su, najvećim dijelom, sadržaji planirani za prvu polovinu augusta. Cilj je da dijaspora, prisutna u Zenici u ovom periodu, kao uostalom i sve Zeničanke, Zeničani i ostali građani naše države i susjednih zemalja, dožive Zenicu u najljepšem svjetlu i Bosnu i Hercegovinu u cjelosti. Dobre strane ovog Projekta su, prije svega, činjenica da će se najveći dio Zeničana, kao i drugih posjetilaca Grada, tih vrućih ljetnih dana, osjećati kao stanovnici velikih svjetskih metropola, gdje su ovakvi event i svakodnevnica i potpuno uobičajena pojava. Najbitnija činjenica ZENICA SUMMER FEST - a je da su svi sadržaji, uključujući i koncerte, potpuno BESPLATNI za sve posjetioce.

„ZENICA SUMMER FEST“ održat će se u periodu počev od **24.07.2026. godine** do zaključno sa **02.08.2026. godine**, na KAMBEROVIĆA POLJU, u specijalno priređenom i za te namjene ograđenom trgu.

Organizator Manifestacije je Grad Zenica, a tehnički realizator JP «RTV ZENICA» D.O.O. ZENICA. Web stranica putem koje će se objaviti rezultat ovog javnog poziva, ali i sve druge važne informacije je: www.rtvze.ba.

PROGRAM

Organizator Manifestacije obavezuje se osigurati prigodan kulturno – zabavni program u periodu održavanja Manifestacije u večernjim satima, odnosno vikendima i u jutarnjem terminu za one najmlađe, na za to specijalno pripremljenom velikom festivalskom stage – u.

U skladu s konceptom Festivala, trudimo se i ove godine zadovoljiti različite ukuse, barem kada su muzički sadržaji u pitanju, dakle **10** festivalskih **dana**, sa **20** mega **zvijezda** iz cijelog regiona, više popratnih evenata – događaja za sve nacije i sve generacije.

PREDMET JAVNOG POZIVA

U skladu sa *Zaključkom o organizaciji manifestacije „Zenica Summer Fest 2026“, Gradonačelnika Zenice, broj: 02-45-4378/26 od 17.04.2026. godine* RASPISUJE SE Javni poziv za pružanje UGOSTITELJSKIH usluga u okviru javne manifestacije „ZENICA SUMMER FEST 2026. GODINE“ u periodu počev od petka, **24.07.2026. godine** do zaključno sa nedjeljom, **02.08.2026. godine**, na **Kamberovića polju**, kao i organizaciju VIP Backstage – a, pored velike festivalske bine.

Zainteresirani ponuđači za obavljanje ugostiteljskih usluga, a u okviru „ZENICA SUMMER FEST 2026. GODINE“ imat će mogućnost postavljanja više pozicija za prodaju usluga ugostiteljske djelatnosti, ukupne površine **150 m²**, kao JEDINI oficijelni ugostitelj festivala i partner u realizaciji Manifestacije u dijelu pružanja ugostiteljskih usluga.

Namjena prostora je pružanje usluga ugostiteljske djelatnosti – pripremanje i pružanje usluga prehrane, pripremanje i posluživanje pića i napitaka, isključivo u skladu sa rješenjem ponuđača, izdatog od strane nadležne institucije. U ograđenom prostoru se zabranjuje organizovanje i postavljanje bilo kakvih aparata za obavljanje igara na sreću, te bilo kakvih promocija ili obilježja koja nisu unaprijed definisana ugovorom.

Predmet ovog javnog poziva **NE OBUHVATA** usluge fizičke zaštite i obezbjeđenja u noćnom režimu rada, niti obuhvata čuvanje i zaštitu ljudi, imovine, tehničke opreme, ugostiteljskog mobilijara, inventara, uređaja, zaliha robe te druge pokretne i nepokretne imovine koja se koristi u svrhu realizacije ugostiteljskih i pratećih aktivnosti manifestacije, u vremenskom periodu počev od **00:00 sati** do zaključno sa **17:00 sati** narednog dana. U navedenom vremenskom intervalu, Organizator ne preuzima odgovornost za nadzor, čuvanje, oštećenje, nestanak ili otuđenje bilo koje imovine iz prethodnog stava, te se obaveza obezbjeđenja i zaštite iste u potpunosti prenosi na vlasnike, dobavljače, korisnike prostora i/ili pružaoce usluga, u skladu sa zaključenim ugovorima i važećim propisima.

Najbolji ponuđač će imati **mogućnost** da organizuje i VIP Backstage u saradnji sa Organizatorom i Tehničkim realizatorom, što će biti definisano ugovorom o partnerstvu.

Organizator i Tehnički realizator Festivala se obavezuju:

1. dodijeliti status „**OFICIJELNI UGOSTITELJ FESTIVALA**“, koji implicira ekskluzivitet u organizaciji i pružanju ugostiteljskih usluga i organizaciji VIP Backstage - a na „*festivalskom prostoru - trgu*“, tokom trajanja Festivala;
2. odobriti *Oficijelnom ugostitelju Festivala* organizaciju i pružanje ugostiteljskih usluga i organizaciju VIP Backstage - a na Kamberovića polju u ograđenom i šticeonom „*festivalskom*

prostoru - trgu“ u periodu počev od petka, 24.07.2026. godine do zaključno sa nedjeljom, 02.08.2026. godine, na Kamberovića polju, a sve u skladu sa saglasnostima Tehničkog realizatora Festivala, Službe za privredu i gradsku imovinu i Službe za urbanizam grada Zenica;

3. organizovati kulturno – zabavni program tokom trajanja manifestacije prema utvrđenom, oficijelnom „PROGRAMU ZENICA SUMMER FEST 2026“;
4. obezbijediti priključak za električnu energiju, te snositi troškove utroška;
5. obezbijediti prigodnu lokaciju za odlaganje i odvoz otpada;
6. omogućiti korištenje mobilnih toaleta i
7. obezbijediti čišćenje prostora.

Najbolji ponuđač – odabrani oficijelni ugostitelj se obavezuje:

1. pripremati i prodavati hranu i pića, odnosno pružati ugostiteljske usluge, te organizovati VIP Backstage sa ugostiteljskom uslugom u periodu počev od **24.07.2026. godine** do zaključno sa **02.08.2026. godine**, na Kamberovića polju, a sve u skladu sa saglasnostima Službe za privredu i gradsku imovinu,
2. osigurati osoblje za rad,
3. pružati ugostiteljske usluge i organizovati VIP Backstage sa ugostiteljskom uslugom na Kamberovića polju u ograđenom i šticeinom „*festivalskom prostoru*“ u skladu sa saglasnostima Tehničkog realizatora Festivala i saglasnostima Službe za urbanizam grada Zenica za privremeno korištenje javnih površina, počev od 24.07.2026. godine do zaključno sa 02.08.2026. godine, na Kamberovića polju,
4. pridržavati se radnog vremena „*Festivalskog trga*“ prema utvrđenom, oficijelnom „PROGRAMU ZENICA SUMMER FEST 2026“,
5. poštovati odredbe o prezentaciji i promociji usluga i proizvoda sponzora ZSF– a,
6. uredno poslovati i pridržavati se zakona i podzakonskih akata države Bosne i Hercegovine,
7. poštovati odredbe Organizatora, Tehničkog realizatora i Službe za urbanizam o prezentaciji i promociji, o uređenju i dekoraciji okolnog prostora namijenjenog za prodaju ugostiteljskih usluga (*tematski se mora povezati sa konceptom Festivala*),
8. da zelene površine oko ograđenog prostora neće uzurpirati,
9. sudjelovati u prethodno, obostrano dogovorenim i najavljenim promocijama programa,
10. biti dostupan medijima za potrebe prethodno, obostrano dogovorenih i najavljenih gostovanja u programima radija i televizije,
11. u skladu sa svojim kapacitetima i mogućnostima, promovisati na svaki mogući način program koji je predmet ovog Ugovora,
12. obezbijediti fizičku zaštitu i obezbjeđenje u noćnom režimu rada, koja obuhvata čuvanje i zaštitu ljudi, imovine, opreme, ugostiteljskog mobilijara, inventara, uređaja, zaliha robe te druge pokretne i nepokretne imovine koja se koristi u svrhu realizacije usluga i
13. *Tehničkom realizatoru Festivala isplatiti* iznos na ime dodjele statusa „OFICIJELNI UGOSTITELJ FESTIVALA“, u skladu s ugovorenim uslovima.

USLOVI UREĐENJA PROSTORA

Prostor koji je namijenjen za ugostiteljske usluge i VIP Backstage, a s obzirom na to da se radi o Manifestaciji uz učešće velikih muzičkih imena, tematski se mora povezati sa konceptom „ZENICA SUMMER FEST“, uz mogućnost prezentacije što autentičnijeg prikaza sveukupnog života građana Zenice. Prijedlog uređenja odabranog ponuđača mora biti prihvaćen od strane Tehničkog realizatora.

Tehnički realizator će imenovati posebnu komisiju koju čine stručna lica koja će ocijeniti prihvatljivost prijedloga.

Zelene površine oko ograđenog prostora se ne smiju uzurpirati.

CIJENA I USLOVI

Početna, MINIMALNA cijena partnerstva iznosi 25.000,00 KM za period trajanja Manifestacije, u koju nije uračunat porez na dodatu vrijednost (PDV) u visini od 4.250,00 KM, a što ukupno sa porezom na dodatu vrijednost iznosi **29.250,00 KM**.

Najboljim ponuđačem smatrat će se onaj koji ponudi najvišu cijenu za period trajanja Manifestacije.

Ponuđači moraju **uplatiti** AVANSNI POLOG u cjelokupnom iznosu početne minimalne cijene partnerstva (29.250,00 KM), koji će biti vraćen onim ponuđačima koji ne budu izabrani kao najpovoljniji ponuđači, najkasnije u roku od sedam (7) dana od izbora.

Ponuđač čija ponuda bude prihvaćena, razliku od uplaćenog i ponuđenog iznosa mora uplatiti odmah po obavijesti o izboru, a najkasnije sedam (7) dana od izbora.

Ukoliko prvorangirani ponuđač ne uplati razliku u cijeni, ugovor će se potpisati sa drugorangiranim ponuđačem, a avansna uplata istom neće biti vraćena.

Za dodatne informacije koje se tiču dijela prostora koji je predmet ovog Javnog poziva, kontaktirati JP «RTV ZENICA» D.O.O. ZENICA na broj 032/449 - 211 ili na e- mail: marketing@rtvze.ba.

PRAVO UČEŠĆA NA JAVNOM POZIVU

Pravo učešća po ovom Javnom pozivu imaju sva pravna lica koja ispunjavaju sljedeće uslove:

1. da su registrirani za obavljanje ugostiteljskih usluga;
2. da ispunjavaju obaveze prema direktnim i indirektnim porezima;
3. da nemaju dospjelih, a neizmirenih obaveza prema Gradu Zenica na dan objave Javnog poziva i
4. da su uplatili avansni polog.

Da bi učestvovali u postupku javnog poziva, ponuđači su dužni **uplatiti** avansni polog definiran uslovima ovog Javnog poziva, na bankarski račun JP «RTV ZENICA» D.O.O. ZENICA, broj: 199-513-000-525-4596 otvoren kod Sparkasse Bank d.d. BiH, s naznakom „Uplata avansnog pologa po Javnom pozivu“, ili izvršiti uplatu na blagajni preduzeća, uz obavezno navođenje svrhe uplate.

SADRŽAJ PONUDE

Ponuda treba da sadrži sljedeće:

1. naziv i tačnu adresu ponuđača;
2. ponuđenu cijenu sa i bez PDV – a iskazanu u konvertibilnim markama;
3. rješenje o registraciji, iz kojeg se jasno i nedvosmisleno može zaključiti da je ponuđač registrovan za obavljanje ugostiteljske djelatnosti i

4. dokaz o uplati avansnog pologa (29.250,00 KM).

Svi priloženi dokumenti moraju biti u originalu ili u ovjerenj kopiji i ne stariji od šest mjeseci.

KRITERIJ za izbor najpovoljnije ponude je **NAJVIŠA** ponuđena cijena.

OBILAZAK TERENA

Obilazak ponuđenog prostora za obavljanje ugostiteljskih usluga i organizacije VIP Backstage - a sa zainteresovanim ponuđačima može se izvršiti na lokaciji Kamberovića polje, sajamski prostor ZEPS – a, nekadašnji plato autopijace, svakim radnim danom nakon prethodno ugovorenog termina na kontakt broj 032/ 499 – 211.

PODNOŠENJE I OTVARANJE PONUDA

Zainteresirana pravna lica koja ispunjavaju uslove Javnog poziva, svoje ponude mogu podnijeti preporučenom poštom sa povratnicom na adresu Bulevar Kralja Tvrtka I bb 72000 Zenica, sa obaveznom naznakom „Prijava na Javni poziv za pružanje ugostiteljskih usluga u okviru javne manifestacije „**ZENICA SUMMER FEST 2026. GODINE**“ – NE OTVARAJ!

Na zadnjoj strani koverta ponuđač je dužan da navede sljedeće: naziv i adresa ponuđača.

Ponuđač može dostaviti samo jednu ponudu.

Rok za dostavu ponuda je **10 dana** od dana objave Javnog poziva.

Javni poziv će biti **OBJAVLJEN** na oficijelnoj „news“ stranici www.zenicainfo.ba i „korporativnoj“ stranici JP «RTV ZENICA» D.O.O. ZENICA www.rtvze.ba.

OTVARANJE ponuda izvršiti će se u prostorijama Uprave JP «RTV ZENICA» D.O.O. ZENICA, u ulici Bulevar Kralja Tvrtka I bb od strane Komisije za provođenje postupka po Javnom pozivu, koju imenuje direktor JP «RTV ZENICA» D.O.O. ZENICA posebnim rješenjem.

JP «RTV ZENICA» D.O.O. ZENICA zadržava pravo da ne prihvati nijednu ponudu, te da u bilo kojem trenutku odustane od Javnog poziva bez obrazloženja.

S ponuđačem koji ponudi **NAJVIŠU** cijenu zaključiti će se ugovor za period trajanja Manifestacije.

Odabranom ponuđaču će avansni plog biti uračunat u cijenu partnerstva, a ostalim ponuđačima će biti vraćen.

Ukoliko ponuđač čija je ponuda odabrana kao najpovoljnija odustane od zaključenja Ugovora bez obzira na razlog odustanka, gubi pravo na povrat avansnog pologa, a predmet ponude se ustupa drugorangiranom ponuđaču i tako redom, prema utvrđenoj listi.

Sve ostale obaveze koje nisu definisane javnim pozivom, bit će regulisane Ugovorom.

JP «RTV ZENICA» D.O.O. ZENICA